

Broj: 02-1308-1 /26

Datum: 22.09.2026.

Na osnovu člana 33. Zakona o osnivanju Nezavisnog operatora sistema za prijenosni sistem u Bosni i Hercegovini ("Službeni glasnik BiH", broj 35/04), čl. 68. stav (1) i stav (4) tačke b) i i), čl. 69. Stav (2) tačka c), te člana 70. Stav (4) Zakona o javnim nabavkama ("Službeni glasnik BiH", br. 39/14, 59/22 i 50/24), člana 8. Stav (2) tačka d) Pravilnika o uspostavljanju i radu Komisije za nabavke ("Službeni glasnik BiH", br. 103/14 i 49/23) i člana 25. Statuta Nezavisnog operatora sistema u Bosni i Hercegovini ("Službeni glasnik BiH", br. 89/16, 84/18, 34/23 i 38/25), a na preporuku Komisije za nabavku iz Zapisnika o ocjeni ponuda za "Nabavka pomoćnih/balansnih usluga automatske rezerve za uspostavu frekvencije sa brzim odzivom (aFRR-s)" za LOT 1- Nabavka automatske rezerve za uspostavu frekvencije sa brzim odzivom (aFRR-s vršni sati) i LOT 2- Nabavka automatske rezerve za uspostavu frekvencije sa brzim odzivom (aFRR-s nevršni sati) broj: T-NOSBIH-O-02/26, generalni direktor donosi:

ODLUKU O PONIŠTENJU OTVORENOG POSTUPKA JAVNE NABAVKE

Član 1.

Prihvata se preporuka Komisije za nabavke iz Zapisnika o ocjeni ponuda za "Nabavka pomoćnih/balansnih usluga automatske rezerve za uspostavu frekvencije sa brzim odzivom (aFRR-s)" za LOT 1- Nabavka automatske rezerve za uspostavu frekvencije sa brzim odzivom (aFRR-s vršni sati) i LOT 2- Nabavka automatske rezerve za uspostavu frekvencije sa brzim odzivom (aFRR-s nevršni sati) broj: T-NOSBIH-O-02/26, te se usvaja Odluka o poništenju predmetnog postupka javne nabavke iz razloga što nije osiguran minimalan broj ponuđača za zaključenje Okvirnog sporazuma.

Član 2.

Ova Odluka će se objaviti na web stranici NOSBIH-a u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u predmetnom postupku javne nabavke.

Član 3.

Ova Odluka stupa na snagu danom donošenja.

OBRAZLOŽENJE

Na portalu javnih nabavki objavljeno je Obavještenje o nabavci broj: 1253-1-2-6-3-11/26 dana 04.02.2026. godine i Ispravka za obavještenje o nabavci broj: 1253-1-2-6-8-36/26 od 31.07.2026. godine za "Nabavka pomoćnih/balansnih usluga automatske rezerve za uspostavu frekvencije sa brzim odzivom (aFRR-s)".

Sažetak Obavještenja o nabavci objavljen u "Službenom glasniku BiH" broj: 11/26 od 13.02.2026. godine. Ispravka za obavještenje o nabavci u "Službenom glasniku BiH" broj: 56/26 od 07.08.2026. godine.

Krajnji rok za prijem ponuda bio je 15.09.2026. godine do 10.00 sati.

Javno otvaranje ponuda obavljeno je 15.09.2026. godine u 10:30 sati.

U skladu sa Zapisnikom o otvaranju ponuda i Zapisnikom o zaprimanju ponuda od 15.09.2026. godine, konstatovano je da su do krajnjeg roka za prijem ponuda blagovremeno dostavljene četiri (4) ponude. Otvaranje ponuda je vršeno prema redoslijedu po kojem su ponude dostavljene:

- MBA Centar d.o.o. Sarajevo;
- The Volt d.o.o Mostar;
- Grupa ponuđača; Dynamiq Energy d.o.o. Banja Luka- Far East Energy Storage Technology CO;
- MO Kontakt d.o.o. Mostar

Kroz evaluaciju kvalifikacijskih uslova iz tačaka 12. i 13. Tenderske dokumentacije zaključeno je da ponude ponuđača: Grupa ponuđača,; Dynamiq Energy d.o.o. Banja Luka- Far East Energy Storage Technology CO i MO Kontakt d.o.o. Mostar zadovoljavaju sve utvrđene kvalifikacijske uslove kao i obavezne elemente predviđene tenderskom dokumentacijom te konstatuje se da su ponude navedenih ponuđača prihvatljive ponude za oba lota u smislu člana 2. stav (1) tačka l) alineja l) Zakona.

Ponuđač MBA Centar d.o.o. Sarajevo nije dostavio Izjavu o ispunjenosti uslova iz člana 45. tačke a), b), c), d) Zakona i na taj način nije dostavio dokaz o ispunjavanju propisanog uslova iz tačke 12. tenderske dokumentacije. Nadalje, navedeni ponuđač nije dostavio pismenu izjavu iz člana 52. Zakona, Garanciju za ozbiljnost ponude i prema uvidu u Registar objekata za pružanje pomoćnih usluga za aFRR-s tip balansne usluge nije ostvario uslovni upis za predmetnu nabavku.

Na osnovu navedenog, Ponuda ponuđača MBA Centar d.o.o. Sarajevo za oba lota je neprihvatljiva iz razloga što ne ispunjava kriterijume za kvalifikaciju privrednog subjekta u smislu člana 2. stav (1) tačka l) alineja 2) Zakona te se odbacuje u skladu sa članom 68. stav (1) i stav (4) tačke b) i i) Zakona.

Komisija je prilikom uvida u dostavljeni Aktuelni Izvod iz sudskog registra ponuđača The Volt d.o.o. Mostar, utvrdila da je direktor Josip Kukić upisan kao lice ovlašteno za zastupanje bez ograničenja ovlaštenja do novčanog iznosa od 20.000,00 KM, a preko tog iznosa uz saglasnost osnivača društva. Ponuda ponuđača The Volt d.o.o. Mostar za Lot 1 je dostavljena u iznosu od 34.848.794,70 KM bez PDV-a, a za Lot 2 ponuda ovog ponuđača je dostavljena u iznosu od 11.616.264,90 KM bez PDV-a. Imajući u vidu navedeno direktor Josip Kukić je potpisao ponudu za oba lota kao i dostavljene anekse u ponudi iako prema Aktuelnom Izvodu iz sudskog registra ima ograničenje ovlaštenje do 20.000,00 KM. Ponuđač The Volt d.o.o. nije dostavio saglasnost osnivača društva za zastupanje preko iznosa od 20.000,00 KM.

Na osnovu navedenog, ponuda ponuđača The Volt d.o.o. Mostar je nepravilna za oba lota iz razloga što nije u skladu sa tenderskom dokumentacijom u smislu člana 2. Stav (1) tačka l) alineja 3) Zakona te se odbacuje u skladu sa članom 68. stav (4) tačka i) Zakona.

U otvorenom postupku javne nabavke za "Nabavka pomoćnih/balansnih usluga automatske rezerve za uspostavu frekvencije sa brzim odzivom (aFRR-s)" broj: T-NOSBIH-O-02/26 u Obavještenju o nabavci kao i u tenderskoj dokumentaciji predviđeno je zaključenje Okvirnog sporazuma sa više ponuđača. U predmetnom postupku javne nabavke, u skladu sa Zapisnikom o otvaranju ponuda i Zapisnikom o zaprimanju ponuda od 15.09.2026. godine, konstatovano je da su do krajnjeg roka za prijem ponuda blagovremeno dostavljene četiri (4) ponude. Nakon obavljene evaulacije svih blagovremeno dostavljenih ponuda, utvrđeno je da su 2 (dvije) ponude prihvatljive, a da je 1 (jedna) ponuda neprihvatljiva, a 1 (jedna) ponuda nepravilna. Ukupan broj ponuđača čije su ponude prihvatljive iznosi 2 (dva).

Prema članu 32. stav (4) Zakona, Okvirni sporazum zaključuje s više ponuđača za isti predmet javne nabavke, te broj ponuđača sa kojima se zaključuje Okvirni sporazum ne može biti manji od tri. S obzirom da je u ovom postupku javne nabavke, nakon evaulacije ponuda, utvrđeno da nije osiguran minimalan broj ponuđača za zaključenje Okvirnog sporazuma, Komisija jednoglasno daje preporuku Generalnom direktoru NOSBiH-a za donošenje Odluke o poništenju postupka javne nabavke za "Nabavka pomoćnih/balansnih usluga automatske rezerve za uspostavu frekvencije sa brzim odzivom (aFRR-s)" broj: T-NOSBIH-O-02/26 u skladu sa članom 69. stav (2) tačka c) Zakona.

POUKA O PRAVNOM LIJEKU: Žalba na ovu Odluku se može izjaviti ugovornom organu, u pisanoj formi u dovoljnom broju primjeraka (ne manji od tri), najkasnije 10 dana po prijemu Odluke. Visina i način uplate naknade za pokretanje žalbenog postupka propisani su članom 108. Zakona o javnim nabavkama ("Službeni glasnik BiH", br. 39/14, 59/22 i 50/24) i Instrukcijom o načinu uplate, kontrole i povrata naknada propisanih članom 108. Zakona o javnim nabavkama ("Službeni glasnik BiH" broj 61/24).

Generalni direktor
dr Nemanja Pandurević



Dostaviti:

- Ponuđaču MBA Centar d.o.o. Sarajevo
- Ponuđaču MO Kontakt d.o.o. Mostar
- Ponuđaču The Volt d.o.o. Mostar
- Grupi ponuđača: Dynamiq Energy d.o.o. Banja Luka- Far East Energy Storage Technology CO
- Sektoru za pravne poslove
- Sektoru za ekonomske poslove
- a/a